

MAHATHIR-PULANG R'R'R'  
(I)

1983

KUALA LUMPUR, 19 MEI (BERNAMA) -- MALAYSIA KINI AKAN MEMPUNYAI HUBUNGAN TERUS PERDAGANGAN DENGAN YUGOSLAVIA, TURKI DAN ROMANIA - TIDAK LAGI MELALUI PIHAK KETIGA SEPERTI YANG DIPRAKTIKKAN SEBELUM INI.

PERDANA MENTERI DATUK SERI DR. MAHATHIR TELAH MENDAPAT PERSETUJUAN PARA PEMIMPIN KETIGA-TIGA NEGARA TERSEBUT UNTUK MENJALINKAN HUBUNGAN IMPORT-EKSPORT SECARA LANGSUNG.

DATUK SERI DR. MAHATHIR, YANG KEMBALI KE TANAH AIR HARI INI DARI LAWATAN RASMI SELAMA SEMBILAN HARI KE KETIGA-KETIGA NEGARA ITU BERKATA LANGKAH INI ADALAH SELARAS DENGAN USAHA UNTUK MENGIMBANGKAN PERDAGANGAN DENGAN NEGARA-NEGARA TERSEBUT.

SAMBIL MENSIFATKAN LAWATANNYA SEBAGAI BERHASIL, BELIAU BERKATA PARA PEMIMPIN KETIGA-TIGA NEGARA ITU JUGA TELAH MENYATAKAN KESANGGUPAN UNTUK MENYAMBUT DASAR BARU MALAYSIA UNTUK MENGADAKAN PERDAGANGAN TUKAR BARANG.

BERCAKAP KEPADA PARA PEMBERITA, BELIAU BERKATA SELAIN DARIPADA MENINJAU PELUANG-PELUANG UNTUK MENGEKSPORT BARANG-BARANG MALAYSIA, LAWATANNYA JUGA BERTUJUAN UNTUK MENGENALPASTI BARANG-BARANG BUATAN DAN PERTANIAN YANG BOLEH DIBELI DARI NEGARA-NEGARA ITU.  
MAHATHIR - PULANG 2 KUALA LUMPUR

DATUK SERI DR. MAHATHIR BERKATA AHLI-AHLI PERNIAGAAN YANG MENYERTAI ROMBONGANNYA TELAH MENGENALPASTI BARANG-BARANG YANG BOLEH DIPERDAGANGKAN.

EKORAN DARIPADA INI, KATA PERDANA MENTERI, RAKYAT MALAYSIA TIDAK LAMA LAGI MUNGKIN DAPAT MENYAJIKAN +HIDANGAN ISTIMEWA TURKI+ DI MEJA MAKAN MEREKA SELAIN MEMBELI BARANG-BARANG BUATAN YUGOSLAVIA DAN HASIL KELUARAN MINYAK DARI ROMANIA.

BELIAU BERKATA TURKI, WALAUPUN MEMPUNYAI JUMLAH PENDUDUK 50 JUTA, MENGELUARKAN BAHAN MAKANAN SECUKUPNYA UNTUK PERMINTAAN TEMPATAN DAN MAMPU MENGEKSPORT SETENGAH-SETENGAH BARANG MAKANAN.

+KALAU SEBELUM INI KITA PERNAH MERASAI SOS TOMATO DARI TURKI, TIDAK LAMA LAGI KITA AKAN BERPELUANG PULA UNTUK MERASAI HALWA, BUAH-BUAHAN KERING, KACANG DAN LAIN-LAIN BARANG BUATAN TURKI,+ KATA BELIAU.

YUGOSLAVIA JUGA MENAWARKAN BANYAK BARANG BUATAN SEMENTARA ROMANIA PULA DAPAT MEMBEKALKAN HASIL KELUARAN MINYAK DAN PETRO-KIMIA DAN PERALATAN INDUSTRI MINYAK.

+MALAH KETIGA-TIGA NEGARA ITU BERSEDIA UNTUK BEKERJASAMA DENGAN KITA, MENJADI PEMBEKAL ATAU PUN MEMINDAHKAN TEKNOLOGI,+ KATA DATUK SERI DR. MAHATHIR.

+PENDEK KATA, MEREKA SANGGUP BEKERJASAMA DALAM APA JUGA BIDANG YANG KITA PERLUKAN+.

--LAGI. 1435/WS

MAHATHIR-PULANG 3 KUALA LUMPUR

DATUK SERI DR.MAHATHIR MENJELSKAN LAWATANNYA ADALAH SEBAGAI MENGGALAKKAN KERJASAMA SELATAN-SELATAN.

LAWATAN ITU TELAH MEMBOLEHKAN MALAYSIA DAN KETIGA-TIGA NEGARA ITU MENGENALPASTI MELALUI RUNDINGAN DUA HALA BIDANG-BIDANG YANG DAPAT DIADAKAN KERJASAMA.

+MENERUSI PERBINCANGAN DUA HALA, KITA TELAH DAPAT MENGENALI SATU SAMA LAIN DENGAN LEBIH DEKAT -- TIDAK SEPERTI DI PERBINCANGAN PELBAGAI HALA DI MANA SAYA MEMBUAT UCAPAN DAN LIMA SAAT KEMUDIAN MENGHILANGKAN DIRI. BEGITU JUGA HALNYA DENGAN ORANG-ORANG LAIN+, KATA DATUK SERI DR.MAHATHIR.

BELIAU BERPUASHATI DENGAN HASIL PERBINCANGANNYA DENGAN PARA PEMIMPIN KETIGA-TIGA NEGARA ITU YANG MENURUTNYA MENYOKONG DAN SEPENDAPAT DENGAN MALAYSIA DALAM ISU-ISU KAMPUCHEA, AFGHANISTAN, PALESTIN, TUMPAHAN MINYAK DI TELUK ARAB, EKONOMI DUNIA DAN PER-LUCUTAN SENJATA.

BELIAU BERKATA PARA PEMIMPIN YANG DITEMUINYA TELAH MENGALU-ALUKAN HASRAT MALAYSIA UNTUK MENJALIN HUBUNGAN YANG LEBIH ERAT DENGAN NEGARA-NEGARA MEREKA.

--BERNAMA 1445/AN